



**O‘ZBEKISTON RESPUBLIKASI
MAKTABGACHA VA MAKTAB TA’LIMI VAZIRINING
BUYRUG‘I**

Umumiy o‘rta ta’lim maktablarini Fransiyaning Hachette Livre Group nashriyoti tomonidan ishlab chiqilgan fransuz tili darslik majmualari bilan ta’minlash to‘g‘risida

O‘zbekiston Respublikasi Prezidentining “Maktabgacha va maktab ta’limi vazirligi hamda uning tizimidagi tashkilotlar faoliyatini samarali tashkil etish chora-tadbirlari to‘g‘risida” 2023-yil 26-maydagi PF-79-son Farmoniga muvofiq Fransiya Respublikasi Hachette Livre Group guruhining “Passe-Passe”, “Décibel” va “L’atelier” darsliklarini xarid qilish va amaliyotga joriy qilishga doir vazifalar ijrosini ta’minlash maqsadida **buyuraman:**

1. Fransiyaning Hachette Livre Group nashriyoti tomonidan ishlab chiqilgan fransuz tili darslik majmualarini qabul qilish va umumiy o‘rta ta’lim maktablarini mazkur darsliklar bilan ta’minlash ishlarini muvofiqlashtirish bo‘yicha ishchi guruh tarkibi ilovaga muvofiq tasdiqlansin.

2. Quyidagilar:

O‘zbekiston Respublikasi Maktabgacha va maktab ta’limi tizimidagi fransuz tili o‘qitiladigan maktablarda Fransiyaning Hachette Livre Group guruhi tomonidan ishlab chiqilgan Didier FLE o‘quv-metodik majmualaridan foydalanish bo‘yicha qaror qabul qilinganligi;

Respublika ta’lim markazida tashkil etilgan ishchi guruh tomonidan nashriyotning o‘quv-metodik majmualari o‘rganilganligi;

Hachette Livre Group guruhi tomonidan ishlab chiqilgan “Passe-Passe” darslik majmualari umumiy o‘rta ta’lim maktablarining 1-4-sinflari uchun, “Décibel” darslik majmualari 5-9-sinflari uchun hamda “L’atelier” darslik majmualari 10-11-sinflar uchun mosligi belgilanganligi;

Didier FLE nashrlarining xalqaro distribyutori hisoblangan Groupe Hatier International (GHI) bilan vazirlik o‘rtasida shartnoma imzolanganligi ma’lumot uchun qabul qilinsin.

3. Buxgalteriya hisobi va hisoboti bo‘limi (F.Jamuratova) imzolangan shartnomaga muvofiq to‘lovlarni o‘rnatilgan tartibda amalga oshirsin.

4. O‘quv jarayonini metodik ta’minlash va darsliklar boshqarmasi (D.Norboyeva), Respublika ta’lim markazi (Sh.Sattarov) 10 kun muddatda tajribali mutaxassislarni jalb qilgan holda Hachette Livre Group guruhi tomonidan ishlab chiqilgan “Passe-Passe” (1-4-sinflar), “Décibel” (5-9-sinflar) hamda “L’atelier” (10-

11-sinflar) darslik majmualarini milliy qadriyatlarimizga hamda o‘quv rejaga mosligi nuqtai nazaridan ekspertizadan o‘tkazsin va xulosalarni Hachette Livre Group guruhiga taqdim etsin.

5. O‘quv jarayonini metodik ta‘minlash va darsliklar boshqarmasi (D.Norboyeva), Pedagog kadrlar salohiyatini oshirish va ularni tayyorlaydigan muassasalar faoliyatini muvofiqlashtirish boshqarmasi (N.Kuchkarova), Xorijiy tillarni o‘rganishni ommalashtirish boshqarmasi (Sh.Temirova) shartnoma doirasida belgilangan muddatlarda Didier FLE nashrlarining xalqaro distribyutori hisoblangan Groupe Hatier International (GHI) bilan hamkorlikda yangi 1-11-sinf fransuz tili darslik majmualaridan foydalanish bo‘yicha masofaviy vebinarlar hamda hududlarda oflayn seminarlar tashkil etsin.

6. Mazkur buyruqning ijrosini nazorat qilish vazirning birinchi o‘rinbosari U.Sharifxodjayev zimmasiga yuklatilsin.

Vazir



X.Umarova

Toshkent sh.,
2023-yil 2-iyun,
146-son